

Nepostizanje napretka na putu ka evropskim integracijama u BiH razocaravajuće

Visoki predstavnik, Wolfgang Petritsch, jutros se sastao sa šefom delegacije Evropske komisije, Hansjoergom Kretschmerom, i zvaničnicima Evropske komisije iz Brisela, s ciljem sagledavanja mogućnosti Bosne i Hercegovine da se uključi u evropske integracije. Učesnici na sastanku sa zaljenjem su konstatovali da BiH nije ispunila cijav niz uvjeta iz Smjernica Evropske unije za BiH (Roadmap). Ispunjenje stavki iz Smjernica EU neizostavan je preduvjet da bi Evropska komisija izradila studiju provedivosti čiji je cilj da se ocjeni spremnost zemlje da udje u pregovore o zaključivanju Sporazuma o stabilizaciji i pridruženju (Stabilisation and Association Agreement SAA). SAA je prvi korak u procesu udruživanja u Evropsku uniju. Činjenica da u cijelom nizu stavki iz Smjernica Evropske unije nije postignut napredak znači da je malo vjerovatno da će Evropska komisija dobiti zadatak da krene sa izradom studije provedivosti.

Na Zagrebackom samitu u novembru prošle godine, organi vlasti BiH izrazili su čvrsto opredjeljenje da će ispuniti uvjete iz Smjernica do 30. juna 2001. Na posljednjem sastanku Konsultativne radne grupe EU i BiH, ke grupe EU i BiH, koji je održan 29. marta 2001., obavezali su se da će nastaviti napore na tome. Međutim, od tada je postignut vrlo mali napredak, što ne samo da je izuzetno razocaravajuće nego daje i ozbiljne razloge za zabrinutost. Nisu ispunjeni važni uvjeti. Najocitiji primjer je usvajanje Izbornog zakona. Po svemu sudeći, Zakon o državnoj službi – još jedan važan uvjet iz Smjernica EU, čiji je cilj uspostavljanje državne službe zasnovane na profesionalnim kvalifikacijama i zaslugama, u skladu sa najboljom evropskom praksom našao je na probleme

na nivou Vijeća ministara. Zakoni koji se odnose na ekonomsku reformu, kao što je Zakon o konkurenciji i Zakon o zaštiti potrošača, još uvijek se nalaze pred Parlamentarnom skupštinom.

Druge zemlje su postigle brzi napredak; primjer toga je Hrvatska, koja je nedavno okončala pregovore o zaključenju Sporazuma o stabilizaciji i pridruživanju sa EU. Visoki predstavnik apeluje na odgovorne političare da što prije iskristaliziraju prioritete te intenziviraju napore na ispunjenju uvjeta iz smjernica EU. Integracija u Evropu je jedini način da se poboljša život građana u cijeloj zemlji, te njoj treba težiti sa nepokolebljivom odlučnošću, u korist svih građana.